



Broj: SuPK-00-732/24-I  
Brčko, 05.04.2024. godine

## Z A P I S N I K

sa 256. sjednice Pravosudne komisije Brčko distrikta BiH  
održane 05.04.2024. godine, u 08,30 sati sa slijedećim

### *Dnevni m redom*

1. Usvajanje zapisnika sa 255. redovne sjednice Pravosudne komisije Brčko distrikta BiH  
(izvjestilac: **Rade Mitrović**)
2. Prijedlog Zakona o izmjenama i dopunama Zakona o platama i drugim naknadama pravobranioaca i zamjenika pravobranioaca u Pravobranilaštvu Brčko distrikta BiH  
(izvjestilac: **Rade Mitrović**)
3. Izvještaj o radu Pravosudne komisije Brčko distrikta BiH za 2023. godinu  
(izvjestilac: **Safet Pizović**)
4. Izvještaj o radu Apelacionog suda Brčko distrikta BiH za 2023. godinu  
(izvjestilac: **Damjan Kaurinović**)
5. Izvještaj o radu Osnovnog suda Brčko distrikta BiH za 2023. godinu  
(izvjestilac: **Dragan Tomaš**)
6. Izvještaj o radu Tužilaštva Brčko distrikta BiH za 2023. godinu  
(izvjestilac: **Zekerija Mujkanović**)
7. Izvještaj o radu Pravobranilaštva Brčko distrikta BiH za 2023. godinu  
(izvjestilac: **Dejan Đurović**)
8. Izvještaj o radu Kancelarije za pravnu pomoć Brčko distrikta BiH za 2023. godinu  
(izvjestilac: **Safet Pizović**)
9. Razmatranje prijedloga predsjednika Osnovnog suda Brčko distrikta BiH o formiranju radne grupe za izmjene i dopune Zakona o platama i naknadama zaposlenih u pravosuđu Brčko distrikta BiH  
(izvjestilac: **Rade Mitrović**)
10. Donošenje Odluke o imenovanju radne grupe za izradu trogodišnjeg plana rada za period 2025-2027. godine  
(izvjestilac: **Rade Mitrović**)
11. Razmatranje radno pravnog statusa Milana Stokića i Semrine Hasanović, referenata-operatera-asistenata u Osnovnom sudu Brčko distrikta BiH  
(izvjestilac: **Rade Mitrović**)
12. Žalba K. K. iz Brčkog, izjavljena protiv rješenja predsjednika Pravosudne komisije Brčko distrikta BiH broj: SuPK-06-360/24-I od 26.02.2024. godine  
(izvjestilac: **Rade Mitrović**)
13. Verifikacija rješenja o prestanku radnog odnosa Kosani Kozjak Marković, referentu-operateru-asistentu u Osnovnom sudu Brčko distrikta BiH  
(izvjestilac: **Rade Mitrović**)

14. Verifikacija rješenja o prestanku radnog odnosa Biljani Aleksić, pripravniku u Pravobranilaštvu Brčko distrikta BiH;  
**(izvjestilac: Rade Mitrović)**
15. Verifikacija rješenja o prestanku radnog odnosa Ani Bajunović, pripravniku u Kancelariji za pravnu pomoć Brčko distrikta BiH  
**(izvjestilac: Rade Mitrović)**
16. Rang lista sa preporukom za izbor sudskog policajca u Sudskoj policiji Brčko distrikta BiH  
**(izvjestilac: Rade Mitrović)**
17. Rang lista sa preporukom za izbor pripravnika u Kancelariji za pravnu pomoć Brčko distrikta BiH  
**(izvjestilac: Rade Mitrović)**
18. Rang lista sa preporukom za izbor arhivara-operatora u Kancelariji za pravnu pomoć Brčko distrikta BiH  
**(izvjestilac: Rade Mitrović)**
19. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH  
**(izvjestilac: Rade Mitrović)**
20. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-600/24-I od 07.03.2024. godine  
**(izvjestilac: Rade Mitrović)**
21. Donošenje odluke raspisivanju javnog poziva za prijem volontera u pravosudne institucije Brčko distrikta BiH  
**(izvjestilac: Rade Mitrović)**
22. Donošenje odluke o skraćenom radnom vremenu za vrijeme vjerskih praznika za period april 2024 - januar 2025 godine  
**(izvjestilac: Rade Mitrović)**
23. Usvajanje izvještaja o realizovanoj edukaciji na temu „Strateško planiranje, finansijsko upravljanje i kontrola“ i donošenje odluke o isplati naknade za održanu edukaciju edukatorima.  
**(izvjestilac: Rade Mitrović)**
24. Donošenje odluke o učešću u organizaciji seminara „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH“  
**(izvjestilac: Rade Mitrović)**
25. Zahtjev za naknadu štete N.S.  
**(izvjestilac: Rade Mitrović)**
26. Zahtjev za naknadu štete Š.N.  
**(izvjestilac: Rade Mitrović)**
27. Informacija u vezi uspostave registra stvarnih vlasnika u Brčko distriktu BiH,  
**(izvjestilac: Rade Mitrović)**
28. Informacija u vezi vršenja nadzora nad radom notara u skladu sa Zakonom o sprečavanju pranja novca i finansiranja terorističkih aktivnosti BiH,  
**(izvjestilac: Rade Mitrović)**
29. R a z n o

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda Brčko distrikta BiH,
3. DRAGAN TOMAŠ, predsjednik Osnovnog suda Brčko distrikta BiH,
4. ZEKERIJA MUJKANOVIĆ, glavni tužilac u Tužilaštvu Brčko distrikta BiH,
5. DEJAN ĐUROVIĆ, pravobranilac u Pravobranilaštvu Brčko distrikta BiH,
6. MIRSAD ĆEMAN, potpredsjednik Ustavnog suda BiH, putem telefonske veze,
7. MEHMED BEĆIĆ, član Komisije iz reda građana, putem telefonske veze,
8. MILIVOJE VASIĆ, član Komisije iz reda građana,

Sjednica počela u 08,33 sati.

Konstatuje se da sjednici prisustvuju svi članovi Komisije a putem telefonske veze sjednici prisustvuju članovi Mirsad Ćeman i Mehmed Bećić.

Sjednici prisustvuje i v.d. sekretara Komisije, Rade Mitrović.

Predsjednik Komisije otvara 256. redovnu sjednicu Pravosudne komisije s predloženim dnevnim redom, s tim što predlaže da se isti dopuni na način da se iza tačke 18. doda nova tačka 19.: „Rang Lista sa preporukom za izbor kandidata operatera-asistenta u Tužilaštvu Brčko distrikta BiH, na neodređeno vrijeme“ i tačka 20.: „Donošenje odluke o imenovanju sekretara Pravosudne komisije Brčko distrikta BiH.“

Konstatuje se da su predloženi i dopunjeni dnevni red usvojeni jednoglasno, bez primjedbi.

Prelazi se na prvu tačku dnevnog reda.

#### **1. Usvajanje zapisnika sa 255. redovne sjednice Pravosudne komisije Brčko distrikta BiH**

Konstatuje se da je zapisnik sa 255. redovne sjednice Komisije usvojen jednoglasno, bez primjedbi.

#### **2. Prijedlog Zakona o izmjenama i dopunama Zakona o platama i drugim naknadama pravobranioca i zamjenika pravobranioca u Pravobranilaštvu Brčko distrikta BiH**

U uvodnom izlaganju v.d. sekretara Komisije je ukratko izložio razloge za predlaganje Zakona o izmjenama i dopunama Zakona o platama i drugim naknadama pravobranioca i zamjenika pravobranioca u Pravobranilaštvu Brčko distrikta BiH. Radi se o izmjenama i dopunama Zakona u dijelu koji se odnosi na predmet zakona, platu pravobranioca i zamjenika pravobranioca, brisanje člana koji je predviđao korekciju plata u odnosu na plate sudija i tužilaca i stupanje zakona na snagu. Takođe, predloženo je da se ovaj zakon razmatra u dva čitanja. Nakon uvodnog izlaganja po ovoj tački dnevnog reda, konstatuje se da je Pravosudna komisija jednoglasno usvojila prijedlog Zakona o izmjenama i dopunama Zakona o platama i drugim

naknadama pravobranioca i zamjenika pravobranioca u Pravobranilaštvu Brčko distrikta BiH, u prvom čitanju.

### **3. Izvještaj o radu Pravosudne komisije Brčko distrikta BiH za 2023. godinu**

Predsjednik Pravosudne komisije Brčko distrikta BiH, g. Safet Pizović obrazložio je Izvještaj o radu Pravosudne komisije Brčko distrikta BiH za 2023. godinu.

Nakon provedene diskusije po ovoj tački dnevnog reda, konstatuje se da je Komisija jednoglasno usvojila Izvještaj o radu Pravosudne komisije Brčko distrikta BiH za 2023. godinu.

### **4. Izvještaj o radu Apelacionog suda Brčko distrikta BiH za 2023. godinu**

Predsjednik Apelacionog suda Brčko distrikta BiH, g. Damjan Kaurinović obrazložio je Izvještaj o radu Apelacionog suda Brčko distrikta BiH za 2023. godinu.

Nakon provedene diskusije po ovoj tački dnevnog reda, konstatuje se da je Komisija jednoglasno usvojila Izvještaj o radu Apelacionog suda Brčko distrikta BiH za 2023. godinu.

### **5. Izvještaj o radu Osnovnog suda Brčko distrikta BiH za 2023. godinu**

Predsjednik Osnovnog suda Brčko distrikta BiH, g. Dragan Tomaš obrazložio je Izvještaj o radu Osnovnog suda Brčko distrikta BiH za 2023. godinu.

Nakon provedene diskusije po ovoj tački dnevnog reda, konstatuje se da je Komisija jednoglasno usvojila Izvještaj o radu Osnovnog suda Brčko distrikta BiH za 2023. godinu.

### **6. Izvještaj o radu Tužilaštva Brčko distrikta BiH za 2023. godinu**

Glavni tužilac Brčko distrikta BiH, g. Zekerija Mujkanović obrazložio je Izvještaj o radu Tužilaštva Brčko distrikta BiH za 2023. godinu.

Nakon provedene diskusije po ovoj tački dnevnog reda, konstatuje se da je Komisija jednoglasno usvojila Izvještaj o radu Tužilaštva Brčko distrikta BiH za 2023. godinu.

## **7. Izvještaj o radu Pravobranilaštva Brčko distrikta BiH za 2023. godinu**

Pravobranilac Brčko distrikta BiH, g. Dejan Đurović obrazložio je Izvještaj o radu Pravobranilaštva Brčko distrikta BiH za 2023. godinu.

Nakon provedene diskusije po ovoj tački dnevnog reda, konstatuje se da je Komisija jednoglasno usvojila Izvještaj o radu Pravobranilaštva Brčko distrikta BiH za 2023. godinu.

## **8. Izvještaj o radu Kancelarije za pravnu pomoć Brčko distrikta BiH za 2023. godinu**

Direktor Kancelarije za pravnu pomoć Brčko distrikta BiH, g. Safet Pizović obrazložio je Izvještaj o radu Kancelarije za pravnu pomoć Brčko distrikta BiH za 2023. godinu.

Nakon provedene diskusije po ovoj tački dnevnog reda, konstatuje se da je Komisija jednoglasno usvojila Izvještaj o radu Kancelarije za pravnu pomoć Brčko distrikta BiH za 2023. godinu.

Konstatuje se da Mirsad Ćeman, član Komisije, iz opravdanih razloga napušta prisustvo sjednici putem telefonske veze.

## **9. Razmatranje prijedloga predsjednika Osnovnog suda Brčko distrikta BiH o formiranju Radne grupe za izmjene i dopune Zakona o platama i naknadama zaposlenih u pravosuđu Brčko distrikta BiH**

U uvodnom izlaganju v.d. sekretara Pravosudne komisije je iznio razloge za potrebu izrade prijedloga izmjena i dopuna ovog zakona, a u vezi poboljšanja položaja službenika i namještenika u pravosuđu Brčko distrikta BiH. Takođe, naveo je da su dva člana ispred pravosuđa Brčko distrikta BiH uključeni u sastav radne grupe imenovani od strane Vlade Brčko distrikta BiH (v.d sekretara Komisije i šef zemljišnoknjižnog ureda Osnovnog suda). Dragan Tomaš, član Komisije, obrazložio je razloge zbog kojih je potrebno imenovati radnu grupu koja će raditi na izmjenama i dopunama ovog zakona, što su podržali i ostali članovi Komisije.

Nakon provedene diskusije po ovoj tački dnevnog reda, Pravosudna komisija jednoglasno donosi sljedeću

### **O d l o k u**

Formira se radna grupa za izradu prijedloga Zakona o izmjenama i dopunama Zakona o platama i naknadama zaposlenih u pravosuđu Brčko distrikta BiH u sastavu od:

1. Rade Mitrović, v.d sekretara Pravosudne komisije Brčko distrikta BiH, predsjednik,
2. Zoran Rakanović, šef zemljišnoknjižnog ureda u Osnovnom sudu Brčko distrikta BiH, član,
3. Amela Pezerović, šef administracije Apelacionog suda Brčko distrikta BiH, član
4. Samir Beganović, sekretar Tužilaštva Brčko distrikta BiH, član,

5. Marija Nedić, zamjenik pravobranioca Pravobranilaštva Brčko distrikta BiH, član,
6. Vanja Krndelj, advokat Kancelarije za pravnu pomoć Brčko distrikta BiH, član.

Smjernice za rad radne grupe su sadržane u analizi iznesene tokom diskusije.

Radna grupa je dužna organizovati svoj rad u toku radnog vremena.

#### **10. Donošenje Odluke o imenovanju radne grupe za izradu trogodišnjeg plana rada za period 2025-2027. godine**

Nakon uvodnog izlaganja i provedene diskusije po ovoj tački dnevnog reda, Pravosudna komisija donosi sljedeću

#### O d l u k u

I- Formira se Radna grupa za izradu Trogodišnjeg plana rada za period 2025-2027. godine predviđen Zakonom o budžetu Brčko distrikta BiH, u sljedećem sastavu:

1. Rade Mitrović, v.d sekretara Pravosudne komisije, predsjednik,
2. Smajila Kikić, sekretar Osnovnog i Apelacionog suda, član,
3. Samir Beganović, sekretar Tužilaštva, član,
4. Husein Džafić, sekretar Pravobranilaštva, član, Maida Bajrić, stručni saradnik, zamjenski član,
5. Svetozar Vasiljević, advokat Kancelarije za pravnu pomoć, član,
6. Željko Lozić, šef Finansijske službe Pravosudne komisije, član.

II- Radna grupa je dužna da svoj rad organizuje u toku radnog vremena.

III -Zadatak radne grupe je da izradi Trogodišnji plana rada za period 2025-2027. godine kao i da aktivnosti navedene u Akcionom planu provedbe mjera i projekata za period 2025-2027. godine u okviru Strategije razvoja Brčko distrikta BiH za period 2021-2027. godine, usvojenom od Vlade Brčko distrikta BiH, prenese u radnu verziju Trogodišnjeg plana rada za period 2025-2027. godine.

IV- Smjernice za izradu propisa: prilikom izrade prijedloga dokumenata iz tačke III ove odluke, Radna grupa će se rukovoditi Uputstvom za izradu strateških planova za trogodišnji period.

V -Rok za izradu: Radna grupa je dužna prijedlog dokumenta iz tačke III ove Odluke utvrditi i dostaviti Stručnoj službi Pravosudne komisije zajedno sa obrazloženjem i potpisanim zapisnicima o radu do 05.06.2024. godine.

**11. Razmatranje radno pravnog statusa Milana Stokića i Semrine Hasanović, referenta-operatera-asistenata u Osnovnom sudu Brčko distrikta BiH**

Nakon uvodnog izlaganja i provedene diskusije, konstatuje se da Pravosudna komisija jednoglasno skida ovu tačku sa dnevnog reda.

**12. Žalba K. K., izjavljena protiv rješenja predsjednika Pravosudne komisije Brčko distrikta BiH broj: SuPK-06-360/24-I od 26.02.2024. godine**

Konstatuje se da se predsjednik Komisije Safet Pizović izuzima od raspravljanja i odlučivanja po ovoj tački dnevnog reda. Dejan Đurović, potpredsjednik Komisije, je izvjestilac po ovoj tački dnevnog reda.

Nakon uvodnog izlaganja, Pravosudna komisija, uz izuzeće predsjednika Komisije, jednoglasno donosi sljedeće

**R j e š e n j e**

Povodom žalbe K. K., a po službenoj dužnosti poništava se rješenje predsjednika Pravosudne komisije Brčko distrikta BiH broj: SuPK-06-360/24-I od 26.02.2024. godine.

Molba za premještaj K. K. od 25.01.2024. godine se upućuje na dalje postupanje ministru pravde u Vladi Republike Srpske kao nadležnom organu.

**13. Verifikacija rješenja o prestanku radnog odnosa Kosani Kozjak Marković, referentu-operateru-asistentu u Osnovnom sudu Brčko distrikta BiH**

**14. Verifikacija rješenja o prestanku radnog odnosa Biljani Aleksić, pripravniku u Pravobranilaštvu Brčko distrikta BiH**

**15. Verifikacija rješenja o prestanku radnog odnosa Ani Bajunović, pripravniku u Kancelariji za pravnu pomoć Brčko distrikta BiH**

Nakon obrazloženja, konstatuje se da je Komisija jednom odlukom izvršila verifikaciju rješenja o prestanku radnog odnosa Kosani Kozjak Marković, referentu-operateru-asistentu u Osnovnom sudu Brčko distrikta BiH, Biljani Aleksić, pripravniku u Pravobranilaštvu Brčko distrikta BiH, te pripravniku u Kancelariji za pravnu pomoć, Ani Bajunović.

**16. Rang lista sa preporukom za izbor sudskog policajca u Sudskoj policiji Brčko distrikta BiH**

Nakon uvodnog izlaganja v.d. sekretara Komisije po ovoj tački dnevnog reda, konstatuje se da je Pravosudna komisija jednoglasno potvrdila rang listu sa preporukom za izbor sudskog policajca u Sudskoj policiji Brčko distrikta BiH, na kojoj je Jović Vasilije prvoplasirani kandidat.

**17. Rang lista sa preporukom za izbor pripravnika u Kancelariji za pravnu pomoć Brčko distrikta BiH**

Nakon uvodnog izlaganja v.d. sekretara Komisije po ovoj tački dnevnog reda i provedene diskusije po ovoj tački dnevnog reda, konstatuje se da Pravosudna komisija primjenom odredbe člana 20. Statuta Brčko distrikta BiH, predlaže Torlaković Milanu, po nacionalnosti srbin, sa zbirnom ocjenom 266,1 bod.

**18. Rang lista sa preporukom za izbor arhivara-operatera u Kancelariji za pravnu pomoć Brčko distrikta BiH**

Nakon uvodnog izlaganja v.d. sekretara Komisije po ovoj tački dnevnog reda, konstatuje se da je Pravosudna komisija jednoglasno potvrdila rang listu sa preporukom za izbor arhivara-operatera u Kancelariji za pravnu pomoć Brčko distrikta BiH, na kojoj je Pekić-Cvolić Elvira, po nacionalnosti bošnjak sa zbirnom ocjenom 271,2 kao prvoplasirani kandidat.

**19. Rang Lista sa preporukom za izbor operatera-asistenta u Tužilaštvu Brčko distrikta BiH**

Nakon uvodnog izlaganja v.d. sekretara Komisije po ovoj tački dnevnog reda, konstatuje se da je Pravosudna komisija jednoglasno potvrdila rang listu sa preporukom za izbor arhivara-operatera u Tužilaštvu Brčko distrikta BiH, na kojoj je Alma Zlatić prvoplasirani kandidat, po nacionalnosti bošnjak, zbirna ocjena 272.



## 20. **Donošenje odluke o imenovanju sekretara Pravosudne komisije Brčko distrikta BiH**

Nakon uvodnog izlaganja predsjednika Pravosudne komisije kao izvjestioca po ovoj tački dnevnog reda, konstatuje se da je Pravosudna komisija jednoglasno donijela

### O d l u k u

Rade Mitrović iz Brčkog, imenuje se na radno mjesto sekretara u Pravosudnoj komisiji Brčko distrikta BiH, na mandat od četiri godine.

Imenovani je dužan stupiti na dužnost 09.04.2024. godine.

Stupanjem na rad imenovani se svrstava u IX (deveti) platni razred, 5 (peti) podrazred, koeficijent 4,426614, osnovna plata u iznosu od 3.253,56 KM.

## 21. **Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH**

Nakon uvodnog izlaganja, konstatuje se da Pravosudna komisija jednoglasno donosi slijedeću

### Odluku

o raspisivanju javnog konkursa za popunjavanje radnih mjesta u pravosuđu Brčko distrikta BiH

1. Sekretar Pravobranilaštva Brčko distrikta BiH (na određeno vrijeme – mandat od četiri godine).....1 (jedan) izvršilac
2. Stručni saradnik za poslove upravljanja privremeno oduzetom imovinom u Pravosudnoj komisiji Brčko distrikta BiH (na određeno vrijeme, radi zamjene odsutnog službenika, ali ne duže od dvije godine) .....1 (jedan) izvršilac
3. Šef administracije u Kancelariji za pravnu pomoć Brčko distrikta BiH, (na neodređeno vrijeme).....1 (jedan) izvršilac
4. Referent - operater - asistent u Osnovnom sudu Brčko distrikta BiH, (na neodređeno vrijeme) .....2 (dva) izvršioca.

**22. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-600/24-I od 07.03.2024. godine**

Konstatuje se da je Pravosudna komisija jednoglasno skinula sa dnevnog reda ovu tačku.

**23. Donošenje odluke raspisivanju javnog poziva za prijem volontera u pravosudne institucije Brčko distrikta BiH**

Nakon uvodnog izlaganja predsjednika Pravosudne komisije kao izvjestioca po ovoj tački dnevnog reda, konstatuje se da je Pravosudna komisija jednoglasno donijela

Odluku  
o raspisivanju javnog poziva  
za prijem volontera u pravosudne institucije Brčko distrikta BiH

- 1 Osnovni sud Brčko distrikta BiH .....1 (jedan) volonter
- 2 Kancelarija za pravnu pomoć Brčko distrikta BiH.....1 (jedan) volonter

**24. Donošenje odluke o skraćenom radnom vremenu za vrijeme vjerskih praznika za period april 2024 - januar 2025 godine**

Nakon uvodnog izlaganja, Komisija jednoglasno donosi slijedeću

O d l u k u

o utvrđivanju skraćenog radnog vremena u pravosudnim institucijama Brčko distrikta BiH povodom nastupajućih značajnijih vjerskih praznika za period april 2024. godine - januar 2025.

Član 1

Ovom odlukom utvrđuje se skraćeno radno vrijeme u pravosudnim institucijama Brčko distrikta BiH povodom nastupajućih značajnijih vjerskih praznika za period april 2024. godine - januar 2025. godine, i to:

- Ramazanskog bajrama - 9. april 2024. godine (07,30 - 13,30 sati),
- Vaskrsa (pravoslavnog) -3. maj 2024. godine (07,30 - 13,30 sati),
- Kurban-bajrama - 14. jun 2024. godine (07,30 - 13,30 sati),
- Božića (katoličkog) - 24. decembar 2024. godine (07,30 - 13,30 sati),
- Božića (pravoslavnog) – 6. januar 2025. godine (07,30 - 13,30 sati).

Član 2

Ova odluka stupa na snagu danom donošenja.

**25. Usvajanje izvještaja o realizovanoj edukaciji na temu „Strateško planiranje, finansijsko upravljanje i kontrola“ i donošenje odluke o isplati naknade za održanu edukaciju edukatorima**

Nakon uvodnog izlaganja, Komisija jednoglasno donosi slijedeću

**O d l u k u**

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na temu „Strateško planiranje, finansijsko upravljanje i kontrola“ održanu dana 22.03.2024. godine u Brčkom,

edukatoru Dragani Kosorić, internom revizoru-stručnom savjetniku u Ministarstvu finansija i trezora BiH, isplati iznos od 310,21 KM (tristotinedeset i 21/100 KM) na ime izvršene edukacije, te iznos od 111,03 KM (stotinujedanaest i 03/100 KM) na ime troškova prevoza na relaciji Sarajevo - Brčko - Sarajevo, što ukupno iznosi 421,24 KM (četiristotinedvadesetjednu i 24/100 KM), te

edukatoru Tanji Lučić, šefu Odsjeka za koordinaciju pripreme, monitoring implementacije i evaluaciju razvojnih dokumenata u Direkcija za ekonomsko planiranje BiH, isplati iznos od 310,21 KM (tristotinedeset i 21/100 KM).

**26. Donošenje odluke o učešću u organizaciji seminara „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH**

Nakon uvodnog izlaganja, Komisija jednoglasno donosi slijedeću

**O d l u k u**

Pravosudna komisija Brčko distrikta BiH, u saradnji sa Centrom za edukaciju sudija i tužilaca Federacije BiH i Centrom za edukaciju sudija i tužilaca Republike Srpske, uzima učešće u organizaciji seminara na temu „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH“, koji će biti održan 29.04.2024. godine u sali za edukaciju Pravosudne komisije Brčko distrikta BiH.

Za edukatora se imenuje dr Robert Jović, sudija Apelacionog suda Brčko distrikta BiH i stalni edukator Centra za edukaciju sudija i tužilaca Federacije Bosne i Hercegovine.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će edukatoru pomoći u vršenju njihovih dužnosti i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove naknade za rad edukatora, o čemu će se donijeti posebna odluka.

## **27. Zahtjev za naknadu štete N. S.**

Nakon uvodnog izlaganja, konstatuje se da je Pravosudna komisija jednoglasno donijela slijedeću

O d l u k u

Zahtjev za naknadu štete N. S., se odbija kao neosnovan.

## **28. Zahtjev za naknadu štete Š. N.**

Nakon uvodnog izlaganja, konstatuje se da je Pravosudna komisija jednoglasno donijela slijedeću

O d l u k u

Zahtjev za naknadu štete Š. N., se odbija kao neosnovan.

## **29. Informacija u vezi uspostave registra stvarnih vlasnika u Brčko distriktu BiH**

Nakon uvodnog izlaganja i provedene diskusije po ovoj tački dnevnog reda, Komisija je jednoglasno zaključila da se Vladi Brčko distrikta BiH uputi informacija o održanom sastanku i obavezama Distrikta proizašlih iz navedenog zakona i međunarodnih obaveza po ovom pitanju, sa prijedlogom za uspostavu radne grupe za provođenje ove obaveze.

## **30. Informacija u vezi vršenja nadzora nad radom notara u skladu sa Zakonom o sprečavanju pranja novca i finansiranja terorističkih aktivnosti BiH**

Nakon uvodnog izlaganja, Pravosudna komisija donosi slijedeći

Z a k l j u č a k

Zadužuju se predstavnici Stručne službe da iniciraju sastanke sa Ministarstvom pravde Republike Srpske, Notarskom komorom Federacije BiH i Finansijsko-obavještajnim odjeljenjem Agencije za istragu i zaštitu, kako bi se dogovorili određeni pravci rada, usvojile politike i

smjernice, održale edukacije, a sve u cilju vršenja adekvatnog nadzora nad radom notara u skladu sa navedenim zakonom.

### 31. R a z n o

U okviru ove tačke dnevnog reda v.d. sekretara Komisije je informisao prisutne o tome da je usvojen Zakon o izmjenama i dopunama Krivičnog zakona Brčko distrikta BiH. Takođe, informisao je o obavezama koje su predviđene ovim zakonom, a odnose se na donošenje posebnog propisa kojim će se regulisati uspostava i vođenje posebnog registra lica koja su pravosnažno osuđena na krivična djela učinjena na štetu spolnog integriteta djeteta. S tim u vezi, donesen je jednoglasan zaključak kojim je dato je zaduženje da Stručna služba održi sastanak sa Policijom Brčko distrikta BiH po ovom pitanju.

Konstatuje se da je sjednica završena u 10:29 sati.

Zapisničar:  
Merima Mujkić

Predsjednik  
Pravosudne komisije

Safet Pizović